



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ ԵՐԱՆՈՍ ՀԱՄԱՅՆՔԻ ՂԵԿԱՎԱՐ

Ո Ր Ո Շ ՈՒ Մ

08 ՄԱՅԻՍԻ 2020թվականի N 24-Ա

2020 ԹՎԱԿԱՆԻՆ ԿԱՆԽԱՏԵՍՎՈՂ ԳԱՐՆԱՆԱՅԻՆ ՀԵՂԵՂՈՒՄՆԵՐԻ,
ՍԵԼԱՎՆԵՐԻ, ՍՈՂԱՆՔՆԵՐԻ, ՎԹԱՐԱՅԻՆ ԿԱՄՈՒՐՋՆԵՐԻ ԵՎ
ՀՆԱՐԱՎՈՐ ՔԱՐԱԹԱՓՈՒՄՆԵՐԻ ՏԵՂԱՄԱՍԵՐՈՒՄ ՍՊԱՍՎՈՂ
ՀՆԱՐԱՎՈՐ ՎՏԱՆԳՆԵՐԻ ՆՎԱԶԵՑՄԱՆ ԵՎ ՀԵՏԵՎԱՆՔՆԵՐԻ
ՎԵՐԱՑՄԱՆ ՄԻՋՈՑԱՌՈՒՄՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» ՀՀ օրենքի 35-րդ հոդվածի 1-ին մասի 24-րդ կետով, 41-րդ հոդվածի 2-րդ մասի 7-րդ կետով, ՀՀ Նորմատիվ իրավական ակտերի մասին» ՀՀ օրենքի 36-րդ հոդվածի 1-ին մասի 1-ին ենթակետով, հիմք ընդունելով ՀՀ Գեղարքունիքի մարզպետարանի գլխավոր քարտուղարի 2020 թվականի ապրիլի 29-ի N 02/2859-2020 գրությունը՝

Որոշում եմ՝

1. Համայնքի վարչական տարածքում՝ 2020 թվականի ընթացքում հնարավոր գարնանային հեղեղումների, սելավների, սողանքների, վթարային կամուրջների և հնարավոր քարաթափումների տեղամասերում սպասվող հնարավոր վտանգների նվազեցման և հետևանքների վերացման ու անհրաժեշտ միջոցառումներ ձեռնարկելու, արտակարգ իրավիճակների վնասների նվազեցման և հետևանքների վերացման աշխատանքներն օպերատիվ կազմակերպելու նպատակով ստեղծել համայնքային հանձնաժողով հետևյալ կազմով՝

Մնացականյան Գառնիկ - համայնքի ղեկավարի տեղակալ, հանձնաժողովի նախագահ

Փինաչյան Ժենիկ - համայնքի ղեկավարի օգնական, հանձնաժողովի անդամ

Զուռնաչյան Գառնիկ - աշխատակազմի գլխավոր մասնագետ, հանձնաժողովի անդամ

Քարամյան Մելիք - աշխատակազմի առաջատար մասնագետ, հանձնաժողովի անդամ

Ալոյան Հերմինե - համայնքապետարանի գլխավոր մասնագետ, հանձնաժողովի անդամ:

2. Համայնքային հանձնաժողովին՝

1) Կատարել ուսումնասիրություն համայնքի հեղեղավտանգ՝ «Բավեյ ձոր», «Գասպարի ձոր», «Փոթեյ ձոր», սողանքավտանգ՝ «Գերեզմաններ», «Հովսեփի

գոլ», «Դարի գլուխ», «Աղվաբներ», «Բոստան կայա» կոչվող տարածքները՝ համապատասխան ցուցումներ տալ սողանքավտանգ տարածքների ազգաբնակչությանը, արձանագրել և ներկայացնել առաջարկ հնարավոր արտակարգ իրավիճակների կանխարգելման ու հետևանքների վերացման ուղղությամբ:

2) Հաշվառել և ձեռք բերել պայմանավորվածություն տրանսպորտային միջոցների /էքսկավատորներ, ինքնաթափ բեռնատարներ/ ունեցող սեփականատերերի հետ՝ անհրաժեշտության դեպքում դրանք արտակարգ իրավիճակների ժամանակ օգտագործելու համար:

3. Ուժը կորցրած ճանաչել համայնքի ղեկավարի 2019 թվականի փետրվարի 21-ի N 17-Ա որոշումը:

20.05.2020

X 

VERIFIED OCSP 20.05.2020 10:59:07 GMT+4

**ՀԱՄԱՅՆՔԻ ՂԵԿԱՎԱՐ՝
ՍԱՇԱ ԲԱՎԵՅԱՆ**

Подписано: BAVEYAN SASHA 1902730216

2020 թ. մայիսի 8
գ. Երանոս